

KJKP "RAD" d.o.o. SARAJEVO

-DIREKTOR-

Broj: 05-03-04- /20

Sarajevo, 23.01.2020. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

ODLUKU

o izboru najpovoljnijeg ponuđača za nabavku crijeva za hidrauliku, zrak i vodu

I

Kao najpovoljnijeg ponuđača za nabavku crijeva za hidrauliku, zrak i vodu, odabiram ponudu ponuđača "ZULEX" d.o.o. Sarajevo.

OBRAZLOŽENJE

KJKP "RAD" d.o.o. Sarajevo je dana 23.12.2019. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku crijeva za hidrauliku, zrak i vodu, sa rokom dostave ponuda do 13.01.2020. godine.

Po otvorenom postupku za nabavku pristigle su četiri (4) ponude i to ponude ponuđača „JASMIN M“ d.o.o. Žepče, „ORANTES“ d.o.o. Sarajevo, „HANSA – FLEX“ d.o.o. Mostar i „ZULEX“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je sljedeće:

- Ponuđač „HANSA - FLEX“ d.o.o. Mostar nije dostavio Izvještaj Centralne banke o stanju transakcijskih računa, kopiju dokumenta, a koji je tražen tačkom 13.1.a) Tenderske dokumentacije. Ponuđač dalje nije dostavio nijedan dokument tražen tačkama 13.3.c), 13.3.d), 13.3.e) i 13.3.f) kao i potpisan i ovjeren primjerak Nacrta Ugovora.
 - Ponuđač „ORANTES“ d.o.o. Sarajevo nije dostavio Izvještaj Centralne banke o stanju transakcijskih računa, kopiju dokumenta, a koji je tražen tačkom 13.1.a) Tenderske dokumentacije
- Ponude ovih ponuđača su ocijenjene kao nepotpune i neprihvatljive, budući da iste ne ispunjavaju uslove iz Tenderske dokumentacije.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. "ZULEX" d.o.o. Sarajevo

Cijena (68.523,00 KM)

2. "JASMIN M" d.o.o. Žepče

Cijena (124.374,51 KM)

Obzirom da se radi o otvorenom postupku nabavke sa objavom obavještenja, cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i daje preporuku Ugovornom organu da provede E-aukciju dana 22.01.2020. godine, u skladu sa informacijama o procesu E-aukcije datim u Tenderskoj dokumentaciji.

Ugovorni organ je dana 20.01.2020. godine zakazao E-aukciju za dan 22.01.2020. godine. Nakon provedene E-aukcije, utvrđena je konačna rang lista ponuđača a u skladu sa Izvještajem o toku i završetku E-aukcije.

Konačna rang lista ponuđača:

1. "ZULEX" d.o.o. Sarajevo

Cijena (68.523,00 KM)

2. "JASMIN M" d.o.o. Žepče

Cijena (124.374,51 KM)

Komisija, u skladu sa istom, obzirom da je kriterij za dodjelu ugovora bio najniža cijena predlaže Ugovornom organu da ponudu ponuđača „ZULEX“ d.o.o. Sarajevo prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 68.523,00 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP "RAD", u pisanoj formi u roku od 5 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**DIREKTOR KJKP „RAD“
Vera Arnautović, dipl. pravnik**

DOSTAVITI:

- Ponuđačima;
- a/a